



余嘗入京走山東登泰岱之巔縱覽諸山層巒  
疊嶂緜亘數百里未嘗不歎其地之廣壯之厚  
而昔聖賢之所由生也及歸舟南下過滄州歷  
清濟南陽橋頭開明湖綠淨與東峯一帶相掩  
映以爲青齊之勝大略見於斯矣今讀杞園先  
生杞城別業圖記其閒山川秀拔如擔牟岬峽  
諸峯環布周列汶濰二水夾流而入於海是知  
靈區奧宅又在尋常聞見之外當日子厚東坡  
之在黃柳時搜別其奇壯美其勝作爲記序使  
或語

五

後之人讀其文而嚮慕之然皆苦遷謫去桑梓  
借枝寄迹究非所有孰若杞城去郭三十里習  
先人之舊擴大其規模崇修其廬舍風雨寒暑  
與父老子弟耕漁游釣終其身以樂於斯則又  
非昔賢之所可及也矣至於地旣奇勝文亦委  
婉詳浹克盡其致益信濟南多名上扶輿清淑  
之氣鬱爲光華豈止山川稱瑰異哉康熙甲戌  
季秋竹西保頤居士汪耀麟謹識



琅邪臺題名

康熙辛亥有事日照取道海濱訪劉子羽於家  
與之同登琅邪是日重陰海霧山雲鬱蒼蓬濘  
只赤不見前後人波濤鏗鞳聲自地中出歸塗  
大雨宿子羽南園詰朝既霽復往游焉臺畔秦  
皇車道大將壇坵蹤蹟猶存再陟山椒披剔相  
斯篆碑讀之矯首東矚海山隱現島嶼蒼茫覺  
方壺員嶠呼吸可通幾自忘其腐肉朽骨矣時  
五月廿三日也安丘張貞

或語

題名

五

韜光菴題名

北海張貞來杭浹月兩過靈隱而未獲一至韜  
光終屬闕事於將歸之前二日偕海曲李宗周  
先生補游焉遇雨冷泉亭良久不止冒雨而登  
及抵菴門衣裳盡溼借老僧敝衲衣之倚樓肆  
眺湖山城郭平日履舟之迹歷歷在目如久客  
欲歸聚一時之朋好而相與言別也豈不快哉  
康熙庚申五月九日識

金山題名

再游金山宿浴日樓在乙丑三月之十三日夕  
煢有酒飲未及一蕉葉醉矣臥不成寐起行山  
麓江清月白景色幽絕遂遵繚垣而一周焉夜  
淡人靜萬籟俱寂惟聞魚龍躑刺波筒而已回  
竚南廊按牆睇之蒼煙白霧鬱鬱在下絕不見  
水小時雲葉開解如奇石如亂獸參差磊砢布  
滿江面微風忽起浮氣盡收月愈瑩徹射江  
水熠燿恍惚皆作玻璃琥珀色不自知其置身  
何所各院僧徒分日肅客一歲不能作十數更

或語

題名

五

番乃余庚申及今皆主此樓亦大異事也渠亭  
山人張貞

惠泉題名

劉伯芻論水之宜茶者七自一至五予皆得而  
酌之激泓甘冷未有如惠山石泉者迺強抑之  
第二不知何意然世之妄庸巨子謬乘衡鑑既  
經品第遂莫敢異議亦與此同歎矣康熙二十  
四年春三月望日牟山張貞題

虎丘題名



余三游姑蘇最後寓虎丘之月駕軒時與萊陽姜實節學在長洲汪琬茗文杭州朱溶若始德州李濤紫瀾游談其間千載之下必有以此爲故事者乙丑三月安丘張貞起元識男在辛書

雨花臺題名

辛未十月甲申日巳卓午出聚寶門涉長千里經木末亭登雨花臺回望石頭城鍾山屹立江水遙明天清氣爽目竄楚越顧而樂之再踰南岡訪老友張君瑤星於松風閣下計與相別未

或語

題名

五

二十年而瑤星掩抑摧藏已八十有四余亦蕉萃支離番然篤老回思往事恍若前身矣因書閣壁以誌慨歎園叟張貞題

燕子磯題名

自丁未至今二十五年中余五登此磯矣辛未十月二十六日從白門歸薄暮登舟拂曉過此攜兒在辛復造其巔時盛寒野日昏黃江濤起立欲於亭中少憩天風颺戾凜乎難畱遂亟下焉北海張貞杞園記

細讀七題名寫景處奇麗蒼苑如鮮花弱柳  
乳燕新鶯諷味之餘流連不已叙事處屹岷  
淪漣如蟠崖响石風泉雲壑登臨之下感慨  
自生良由先生神情鼻山水相關故勝情靜  
趣觸緒紛來柳州而下斯爲罕儷

黃僊裳

或語

題名

本



書二公事

吾邑人物莫盛於明嘉靖中而大中丞馬公文煒太守李公遷梧尤其卓卓者余讀王元美觚不觚錄中丞任荊州兵巡道時前任某每江陵公之父封君某相訪輒于大門外一拱而入令人擁其輿由中道進至儀門復一拱復令人擁其輿進至堂已從傍進見即前堂延之正坐而已侍坐送亦如之公至第任其由甬道而執主禮如常自是封君不復候公使人傳問而已又

或語

書事

六

江陵時有賜及父母或誥命皆令家僮私齎至家封君于中堂聽開讀子孫列月臺而道府乃又列其下公謂其家敕也非敕道府與詔敕也但吉服至門俟宣畢而後入賀江陵聞之亦不以爲忤又闕朱長孺愚菴集有安丘李公傳載太守二事謂公起家吳江令某御史行部至其邑供億不堪臥榻折足御史怒突入縣庭欲清覈庫藏及後堂見東壁一小牀葛帷已敝旁置二竹筥不設鎖鑰問何人敢居此則令之臥

具行篋也。乃澗愧歎邑事一無所問而去。又嘗與邑紳吳太守崑飲。見以一銀船注酒。酒滿則帆張。意頗善之。吳舉以爲贈。公受而日以供飲。迨去任出境。仍緘還之。中丞之孫爲余姻家。太守爲吾妻之曾大父。故得讀其墓碑家傳。此數事皆遺而不書。及攷郡志。邑乘于馬公僅紀事功于李公。唯稱高曠如右所云。亦弗載也。余偶得之。欣幸彌日。遂敢併記以補其缺。觀二公遺事。安知百世之下無興起者。康熙癸酉四月丁

或語

書事

三

西張貞謹書

述二公遺事。非獨微顯闡幽。澗厲諷時。底俗之意。而生氣奇氣。躍躍紙上。尤見剪裁之工。  
陶季澗



書兩節女事

余西走青州道出棘林邨多主鄉人趙香家時香夙久肅客者僅其老妻穉子耳余每至見其行飯分茗不唯諾而集問之則皆出次女觀之手且言女未笄其夫從軍戍浙戍閩轉而之粵東之滇南音塵阻絕者數歲矣母念女旣歸妹愆期夫之存亾復傳聞異辭遂以言動之女信誓旦旦秉志不回余歲一過之或一歲數過間詢女動定其金石之志十五年一日也康熙丙

或語

書事

六三

寅天下大定其夫北歸始得結褵是時女年蓋已二十有九矣余游濟上遇吳子長榮又得聞張女之事云張女者高唐朱母劉孺人侍兒也名有鄒平農家子其父以歲侵乏食粥之孺人時女才十歲性柔順孺人絕愛憐之及長欲爲議昏女聞色變訊之掩淚以對曰妾幼曾許字某氏今改適是渝前盟也夙不敢從孺人嘉其節亟覓原壻付之及得其人已有妻子女纍纍矣以語女女曰渠雖別娶亦會須相從不願更

事他人也。壻以兩室非貧家所宜。終不冒往。女守義彌堅。孺人益重之。撫若已女。服食居處。不令與儕輩偶。年三十以疾卒。康熙壬申三月二十一日也。說者謂劉孺人二十五歲而寡。閨內則嚴禮教。張女守貞所得於熏習者爲多。至趙氏則益都東鄙編戶之毗耳。非有見聞濡染之素。乃姻盟一定。常變不移。卒能圭判璋合。二姓克諧。使其夫不歸。則亦終天窳塵。畢命盡氣矣。其得於天性者。然與於乎女子。從夫猶人臣之

或語

書事

六

許君也。張女之矢。灰靡它。龔君賓之。卻聘也。趙氏之必。鬻舊好。蘇子卿之返國也。揆以春秋之法。鈞有不貳心之義焉。故泚筆記之。以愧夫世之爲臣而不克終其節者。

兩女子嚴氣正性。以龔君賓蘇子卿之節義。

方之有關世道不淺。

韓醉白



知非子傳

知非子者吾邑馬君鳴寰逢伯也束修勵志老而彌篤故以知非子自號而人亦因以稱之云始祖至善明初自棗強徙安丘七傳為諸生四教則君父也精於三禮以其學傳君君習之不懈遂明其經補校官弟子而又轉相授受吾鄉學禮之士必奉君為大師焉君為教不拘拘藝文抗顏嚴規條用古小學法以六德六行先之故得其指授皆諳曉經義循循雅飭無躋弛自

或語

傳

五

喜之態由是聲稱奕奕多延致家塾訓誨子弟即未委質亦造請時時戶屢滿矣蓋君寔篤內行孝友淳至五歲哭其母宮痛貫心骨如不欲生繼母郎性嚴厲君下氣怡聲委曲承順雖楚撻弗怨有所生皆視若同胞焉事父色養甚備煥寒晨昏未嘗失節及沒含斂盡禮哀毀骨立其顏面膚腴終身不能復其舊也至讓產以為兄居質貸以為兄娶志祭祀以孝先修譜牒以合族皆人所難能者其處世也好修君子之行

盜夜入室既就執矣憐其迫於饑寒釋之偶出見甲乙力鬪於衢市則貸錢而不能與其息者卽爲代償以平其爭無故不當人之惠有貸於人必不敢負其人卽死亦償之殯宮無子卽以羊酒祭其墳嘗試在高等應廩于官爲有力者所奪弗與校癸甲之交寇攘狎至戚鄙避亂來歸者分宅與居資以薪米器用畢具敝而無憾逮下尤有恩義婢子及笄令其父自嫁之不索直也平生所爲多類此中年讀史見異聞奇事

或語

傳

三

可以警心目資勸戒者星鈔月纂隻字弗遺遇後生小子輒疊疊論說證據發明窮極指要務爲之聳善而抑惡焉自以偃蹇數奇不用於世故假蠹書汗竹以寄化導之意此可以觀君志矣君素彊無疾一昔卒則康熙三年八月也得年七十有五子恆謙潛心理學吾黨皆高其行是真能豎君志者

贊曰漢世去古未遠猶有忠厚純固之風故武帝初立首問天下長者而田叔引孟舒其後選



可爲太子傳者則用萬石君景帝置相亦以魏其爲沾沾自喜而用建陵侯縮此可以覘其時之所重矣乃至於今不乏卓犖跌蕩之材而求其秉心不競克修退讓之行者則未易一二數豈時至輒近世遂絕無其人歟抑其爲世之所不尙有之而人不以稱歟若君之仁心爲質犯而不校可謂不陸沈於俗遺世獨立者矣雖古之長者何以加哉

篇中寫出言規行矩如坐斯人堂上聞其警

或語

傳

空

欽純得史遷神髓

韓醉自

汪君蛟門傳

代

汪君蛟門予丁未所舉士也。往予承乏少宰，謬典銓衡，每思得才賢士以需世用。及主禮部試，闈中得蛟門之文，而喜徧語同考曰：「茲其所謂才而賢者之言歟。」及徹棘，君來魁梧俊爽，英異之色時見於眉間。予則益喜，以國器期之。是後君以試得中，翰予亦濫秉政，與朝夕從事，見其治辦嚴恪，遇章疏，劾午援筆疾書，無一字遺誤。事畢出署，卽鍵戶讀書，入直亦挾策橐筆于殿

或語

傳

六

閣之側，披閱校讐。朱墨狼藉，至丙夜，呻佔聲猶徹。直廬爲文峭潔，師半山而以辨是非，別邪正爲主本。時楚人朱方旦潛住京師，妄言禍福朝貴多爲所惑，君獨著辯道論闢爲妖人。熊公敬修，遻其言，親詣邸舍，定交而去。不數年，朱果以術敗伏法。至其有韻之語，由三唐入，復上溯漢魏六朝，以窮其源。且沿及宋元，以博其趣。擬議成變，日新富有久之，而創獲于法外，神解于象先，自成一家。人莫測其所從出也。戊午。



上命舉博學鴻儒王公胥庭陳公學山交章薦于

朝時君以父服未除堅不就試。何徐公立齋起監修明史特薦者七人。君名與焉。旋補刑部主事兼領史職。君雖一意纂修而尤精心聽斷。南城人武某以車馬販米南花園董某者殺而取其資載尸于車策馬信所之。偶止劉氏門董父疑劉殺其子訴諸官獄已成。君覆案曰殺人而顧畱其車馬于門邪。白尚書請任捕賊責明日出南門縱所獲馬君徒行以隨馬至董居鳴躍而入。則武氏米囊猶在也。董卽引服。王某者自殺其病弟以誣人君潛察得實忽有二人稱藩邸使者謂囚王輿夫也欲挈之去。君曰囚重犯法當死。卽王輿夫亦必奏聞。二人大懼逸去。君之決獄其明辯守正多如此。故極爲尚書魏公環極所倚重。

皇上亦知其才。屢詢姓名。行且召見。乃竟罷官以歸。君旣歸匿迹郭外不接賓客不通饋問。

或語

傳

充

惟取藏籍縱讀之詩古文詞亦益工每一篇出不  
不脛而走四方矣乃其胸懷鬱盤約結偏塞若  
漠然無所向者竟以此卒則康熙戊辰四月十  
一日也壽僅五十悲夫予壬戌謝政君亦未幾  
免去予歎曰蛟門今之所謂才賢者也

天子愛才且求治若渴雖輓出當復還戊辰冬  
君凶問至予驚慟欲絕于是又歎

朝廷失一士矣予所望皆不可副而天亦於  
是乎不可知矣次年春君之兄叔定布書具狀

或語

傳

卅

乞予傳其生平叔定名耀麟與蛟門竝以詩文  
雄海內世所稱二汪者也遂爲之傳冀以慰君  
而塞予悲焉君諱懋麟字季用蛟門其別號也  
歛人系出越國公而徙於揚高曾以來代有隱  
德至父諱如江忠信端慤爲鄉里典型以君貴  
待贈承德郎子兼有父風所著百尺梧桐閣集  
文八卷詩十六卷詩餘一卷行世沒後叔定又  
裒輯其遺稿十餘卷藏于家

贊曰予始以文字知蛟門旋起而登館閣官



禁近一時大著作多出其手。雖古之良史，何以加哉。迨其徊翔郎署，聽訟廉平，執法不撓，且能辨難明之獄，則又居然循吏矣。於乎循吏良史，舍蛟門誠無足以當之。然循吏良史遂足以盡蛟門也乎。

扼定才賢二字爲主，橫豎開攏收挽，照應便有着落。至其命意之高潔，謀篇之蒼堅，造句之博奧，筆筆先秦。

王山史

比部意氣有孟公元龍之風，文章得荆國渭

傳

聖

南之髓。此傳寫照傳神，毫無遺憾。妙過虎頭矣。

周雪客

馬孝子傳

馬孝子者名純錫字錫嘏青之安丘人祖逢伯事。後母以孝稱。余別有傳。父恆謙。潛心理學。從吾邑劉崑右先生得聞。考亭正緒。故篤修內行。自悔。父母沒時。執喪有遺禮。復疏食四年。以補其闕。孝子不唯沿襲家教。且天性醇慤。事父母終日侍側。常依戀。不忍離去。至下氣怡色。尤人所難能者。甲戌。母病。日鬻糜粥。奉湯液。歷五月。不少懈。病既革。聞病者糞苦澀。則瘞甘滑。則劇

或語

傳

七

卽親嘗之。知其滑。謂無生理矣。焚香願天。願以身代。及沒。擗踊自擲。殞絕。而後蘇。勺漿不入口者數日。其于復襲。楔綴斂殯。奠耐悉遵。朱子家禮。葬前。豫營菴廬于墓次。比及行殯。停匱其中。掩竈之後。告其父曰。兒生餘三十年。未嘗離吾母。今吾母委體魄于無人之墟。兒忍獨歸乎。遂止居焉。負土成墳。旦暮上食。飲伏地號哭。聲徹四野。聞者泣下。余遠游乍歸。亟往省之。見其雞斯徒。跣兒。戚意哀。羸悴幾不可識。殆毀而滅性。



矣。周眎廬舍，餅少儲粟，突煙不起，一苦一塊，外別無物具也。時當寒冬，陰風吹雪，蕭颼有聲，白楊松柏，皆若相其悲哀者。余歸而慘抑，累日遂造馬孝子傳。

爲說者曰：昔人論孝，以割股廬墓爲失中，使如此而不得爲孝之中，則夫于親之歿，尸骨未寒，葬尙淺土，卽羣立旅行，飲酒食肉，而處于內者，乃足以爲孝之中乎？余自束髮觀史冊所傳古孝子之事，心雖未敢必其無然，歷四十年，竟不

或語

傳

七

獲一遇，身乎余，豈意于吾身親見之也。且其父六吉爲余莫逆，交數共晨夕，每見諸郎周旋，敕慎無子弟之過，以爲家學所被，無足淡異不意。其遂能爲絕人之行，若是也。因思世之如孝子者，不少其人，特以不獲目覩，故謂爲希。有爾今幸見之矣，可不亟書其行，以爲當世勸邪。康熙三十三年冬十一月朔日，里人張貞撰。

形容孝子處，嗚咽悲涼，酸風滿紙，不可卒讀。

馬太孺人劉氏傳

安丘馬氏自前明以逮我

清相鬯百年代有顯人祖孫父子兄弟皆中名第昏姻亦多大家世胄婦姑相承以德凜然克配遠近稱之無異辭至劉太孺人爲少傅大學士正宗第三女巡撫江西僉都御史馬文煒之曾孫婦處士友龍之孫婦儀部應龍黃門從龍之從孫婦太學道勸之婦文學長祐之妻鴻臚序班良顯之母也幼有美質懿行少傳奇夢之

或語

傳

七三

爲擇所歸得文學公既嫁卽事俛育上下室之文學公性豪爽精騎射好爲游閒之行每出輒數月不歸而家事自理壬午之變文學公遇難海上親故斷絕僮奴散盡孺人獨力飭治其喪時方沍寒襁斂櫬積皆親自經手十指皸瘃備極荼苦比其北歸孺人扶輦設施煢煢返葬歷數百里如堂適庭旣抵里闔廬僅存甌盎無朝夕儲孺人甘齏鹽警鈴索不數年而廳屏肅穆中外秩然又分其力以治外家蓋少傅官禁近



浸假而操化權參大政常居京師以家棟授人多不可其意至是獨付孺人孺人綜理精密其馭家衆少長貴賤有節度其處戚鄰親疏遠邇有定衡少傅遂忘內顧焉至其教子一以嚴恪鴻臚君稍有子弟之過輒笞咄不少恕鴻臚君亦畏憚如嚴君觀其色變卽慄恐莫敢舉目眦及長遣從碩師游節縮服食以資脩脯聞名勝士相過則喜看核茗醴各以時至有不給鬻假稱具無難色鴻臚君卒能于寂寥息歇之後致

或語

傳

七四

身通顯爲時聞人迄于今蘭綺歸然鼎食如故孫曾繞剡鸞鵠峙峙孺人寔有以啟之也於庠非有庭闈之訓固不能成其子非有閨門之化亦不能成是婦故余述孺人之行必本之馬氏家法焉余徇鴻臚君之請稍采孺人平生大節而爲傳至生卒婚嫁與其它在法當書者皆略之以曹儀部誌銘已詳思再告也

贊曰余讀斯干之詩謂婦人之德無非無儀唯酒食是議此自爲荏弱女子安處貴盛委蛇房

瑣者言之耳。若夫當流極之運，風波震盪，坎珂百罹，一失彌縫，則宗祊莫保，一忘綢繆，則家聲立隳。苟非德足以任重，謀足以經遠，吾恐儀不著而非寔，叢之矣。然後知無才爲德之說非通論也。今觀馬太孺人處常能用其剛簡，處變不失其整暇，則女而有士行矣。故官斯土者，莫不式賢母之閭，或以綽襪旌其門。曰巾幗須麋，卽是可以誌，可以表，亦可以爲傳矣。夫康熙甲戌

臘日同里張貞造

或語

傳

七五

以馬氏世德前後呼應而格法整練，意致錯綜敘事處更奕奕有生氣，歸茅櫟懋炳然復

興矣

李渭清



張節婦傳

張節婦者安丘孫翁鳴球女年十六適同邑儒  
生張大烈明年生子中謙又四年壬午

王師徇山左薄安丘大烈被執至壽光見殺凶  
問至節婦卽絕食飲欲從夫地下其姑指五歲  
兒示之曰張氏一息唯在此兒汝死我卽死此  
子豈能獨生汝夫不血食矣節婦俛默久之遂  
不復言死亟議往收夫骨家人以烽火荆棘不  
可行沮之節婦毅然奔赴未嘗一回顧也抵壽  
或語

傳

七

光時已浚夏積屍經暑形容盡敗求之三日弗  
獲每悲哭卽有蠅入口不能成聲節婦自矢曰  
不得遺骸吾不歸矣一慟幾絕從者忽見野中  
一屍作起伏狀指以示節婦節婦視亦然卽之  
果其夫也載歸厝于先兆歲時以手撮衿承土  
增冢輒呼天號泣一往一還未嘗停聲行路聞  
之皆爲灑泣兵定後歲復大侵時嫡姑李氏姑  
鹿氏皆在堂熒熒母子無以自存有欲令之更  
醮者節婦志如鐵石誓不再適然家窶甚甌盎

無朝夕儲遂歸母家母家亦新毀于兵節婦靡  
日靡夜躬力紡績勤女紅以資兩姑羞服惡衣  
惡食身且甘之矣。何姑鹿嬰寒疾節婦晝夜  
不去側貧無以爲餽醜費翦髮數縷易錢供之  
已而鹿復病洩痢委頓牀蓐閒節婦扶掖臥起  
中帚廁臉手浣洒之不自知其爲穢也歲丁未  
姑李又病節婦稽首百神乞以身代疾竟不瘳  
飭喪治葬舉無遺禮人稱其孝初節婦所生五  
歲兒中謙多病每病節婦卽涕泣不食曰兩世

或語

傳

七

孤嫠以兒爲命兒病如此可奈何其憐愛保護  
皆加于人一等卒得無恙旣長擇師訓之且厲  
以行諄中謙能承其教吾黨之稱醇謹者必爲  
中謙首屈一指焉中謙好從余游余故知節婦  
爲詳節婦卒中謙屬書其事今且葬矣來請益  
力推其意蓋謂余之果能不朽其母也余甚愧  
其意而不可辭迺采其大者著于篇

贊曰張氏于吾邑稱舊族婦人女子亦漬染家  
教節婦之適大烈也僅六年而大烈歿節婦年



才二十一耳六十有七而沒節孝凜然又能明于大體如此誠可爲敬仰哉至節婦覓夫屍而見其率率欲動雖近語怪非傳所云孝悌之至通於神明者歟不然學者多言無鬼神而又言有物者何也

時當中否往往衣冠化爲巾幗而孤貞勁節翻從兒女子中求之正不乏人如張婦其表

表者杞園以大手筆爲之傳神展讀一過生氣凜然淑行鴻文竝傳不朽

白雲自怡

或語

傳

七

真至足以感人一贊亦極宕逸

安靜子

張烈女傳

烈女張氏名秀，徐州北郭名賢里人。父全，功母某氏。烈女性敏慧，寡笑言事父母敬謹，先意承志，有古孝女風。稍長，工縫績，精烹飪，佐其母操作。閨中未嘗告勞。年十五，許字同里胡欽。欽父方教之，服賈無暇，及昏，甫議昏而欽以暴疾卒。訃至，烈女慟哭，仆地誓以死，殉勺水溢米不入口，取其匱具悉焚棄之。母謂之曰：汝在室，尙未得爲胡家婦，何遽至此？女曰：兒聞女子從一而

或語

傳

七

終無改節易行之理。此身業已許胡郎，生歿以之矣。敢二三其德乎？且所天旣失，兒將何依？唯有一死相從地下，無他計也。父母鄰前有吾兄吾弟及吾姊，在足慰晨夕，何須戀戀一女子？兒志已決，父母憐兒，幸從兒志，罔極深恩，當圖報再世耳。勸之益力，其念益堅，拊膺長號，不眠不食者三日。夜值防護者疲，剋假寐。烈女乘其隙，遂投繯以歿。及斂，面色不改。時康熙三十二年五月廿五日，則其夫亡之第三日也。烈女年二



十有一

張子曰。予以癸酉九月游彭城。去烈女之歿。僅逾百日。州人競爲予娓娓道其事。且言前此已有丁章王三槐殷柏女。皆以處子而殉夫。予讀前史。謂徐之人士挾節任氣。豈其風尚所昭。男子婦孺。固不必有閒歟。不然。何奇節偉行若是其纍纍也。或以禮有女子。幼從父兄。嫁從夫之文。遂疑其過爲矯激。予謂夫婦猶之君臣也。身受其聘。則皆婦身。居其國。則皆臣。均當有常變。不貳之義焉。必于歸而後稱節。服官而後名。忠以近事論之。東湖之樵。不得與正學諸公爭烈矣。故以處子而殉夫。未委贅而效命。倍足述也。因泚筆記其事。而褒崇表揚之典。則不能無望於操風厲之權者。

先生每譚忠孝節烈。便覺目光迸發。心華怒生。敘致娓娓。委曲詳盡。務使其必傳必信。而後已。此其居心可以意得。世人不察。徒頌文筆之工。故爲知先生不盡也。

朱旋古

封奉政大夫刑部四川司員外郎加一級原

戶部廣西司員外郎劉公墓碑

并銘

康熙庚申春二月江南督學使者諸城劉君木齋以繼母孫宐人憂去官居喪以易戚稱禫除後督學君宐出補觀察其弟進士君崧子亦應就選人長一縣皆以太翁奉政公春秋高不忍去朝夕承歡極盡志物之養十三年不少懈於是兩孝子之名聞天下壬申秋奉政公以壽終里第兩君慎終之禮大小咸備既葬督學持所

或語

墓碑銘

二

自草艾若母行狀及今少司農王阮亭先生所爲墓銘屬貞文其隧道之碑貞以契家子分不得辭然讀志狀信史也何能加故仍撫其意而論次之曰公諱必顯字微之一字西水其先徐州碭山人自處士公諱福者徙山東之諸城家焉數傳皆力田孝弟至大父諱思智始以文學補邑庠生父諱通亦邑庠生後以公貴贈文林郎行人司行人母王氏贈孺人公生而臞膚不藏骨一準隆然望其眉宇知非常人甫能言文



林公抱之立門外邨鄰有富而豪者吞噬里人  
殆徧文林公獨不爲下適盛儼從而過呼公小  
字戲焉公觸其忌直斥之豪大沮去文林公陽  
謝其人而心竊異公矣稍長出就外傳授之書  
讀一再過卽成誦十二歲從叔祖某讀書遠邨  
塾中多邨豎惟知携搆嬉戲殊無切磋益公歎  
曰辭親遠出期上達耳若然何必去鄉井爲哉  
獨正襟危坐讀書不輟諸豎百計誘之弗顧也  
家貧苦無書可讀文林公游戚邨閒閱古今文

或語

墓碑銘

三

字遇心賞者輒錄之舊紙或書掌肱閒歸而授  
公繕寫讀之緣此學日以富十九歲補府庠生  
歲試以經書三稅拔第一爲十四城冠甲子以  
第六人舉於鄉時公文譽久著士林指數皆謂  
當立陞上第乃困頓公車幾三十載又倔彊成  
性恥事干謁遂至家徒四壁立或勸以祿仕公  
愀然曰嘻豈知我者哉余性傲急且無宦情惟  
思得進士二字啟牖後人耳以青袍致台鼎非  
其好也自是坎珂百罹終不廢讀遂登順治壬

辰進士 殿試二甲授行人司行人旋捧 詔  
偏沅時滇黔未靖兵將多驕悍李本溪爲甚公  
惡之弗與接意頗怏怏開讀後卽擬返棹適金  
陵馬生謀署柳州同知撫軍袁公許之而俾出  
金爲公壽問資所從來則其友人質妻孥于營  
將得之者公曰汝以利債累友朋能自飲冰茹  
蘗乎汝去爲廉吏卽我拜當事之惠矣擲金令  
還之營將聞風亦納金而捐其息公竟垂橐歸  
將行從人射雀誤中兵家穉子一軍盡甲噪於

或語

墓碑銘

三

行署子之父喘汗崩奔急止之曰射者誤也成  
者數也劉使君豈縱僕傷人者哉與之金市斂  
具亦不受所至爲人信服如此旣復命又使粵  
東其立心行事一如使偏沅時維揚聞母訃一  
慟而病扶掖返里祥除之官則有秦中 諭祭

之役中途晉戶部河南司主事撥固山司理市  
兒有齋產投身旗下者其兩弟家亦饒主人將  
竝沒其產而奴其人案將定公不從或以利害  
懾之亦弗爲動其家竟完亾何監督通州中南



舍地處脂膏未嘗以毛髮自潤運弁某者鄉人也以無核棗及銀卮爲餉公訝曰故人安知我乃反以此相汙邪弁曰可不須卮棗爲鄉味似無害公曰凡自外入者皆非義也立卻之事竣繡衣使者察核尉薦之甲辰出榷蕪關改立進單之法賈舶便之尋假歸里門惟聚子孫一堂教以耕讀不及世事也已酉以督學官京師迎養邸中復補戶部原司旋晉廣西司員外郎僅逾月語督學曰本無宦情爲汝所誘至此老病或語

墓碑銘

四

恐曠厥職其趣俶裝勿久溷汝也公歸而家益落唯大木數百存海州界中時南服不靖征進須船公欲以巨材百條捐造艨艟時木價日翔計直三千餘金已具疏達銀臺矣當事以不由外題非例未徹

御覽值總漕帥公奉 敕脩雲臺神宇竟以之

助殿工焉以此覘公報 國之志在 朝在野

未嘗或閒也其他助昏嫁卹喪葬贖女童以完

人骨肉出囷粟以周人困乏公施濟旣博且令

子姓踵行之其爲德於鄉里者又二十年而終  
則康熙三十一年八月二十七日也距生萬曆  
二十八年十一月二十二日得年九十有三公  
仕自文林郎累遷至奉直大夫戶部廣西清吏  
司員外郎以子督學君貴封奉政大夫刑部  
四川清吏司員外郎加一級于卒之歲十一月  
十五日大葬於邨北之新阡以孫鄭兩宐人祔  
焉公初娶於徐有首疾其家以是辭昏公堅持  
大義弗許于歸後以靜好著聲人謂庭式復見  
或語

墓碑銘

全

今日不及五載而卒再娶鄭宐人壬午癸未間  
兵躡二東宐人避地百里至膠西之孝衍邨時  
烽火四接道路洵懼一聞訛語遽爾投繯蓋其  
素凜守身之訓故慷慨伏節若是其易寔未嘗  
罹鋒刃受迫偪也暨娶孫宐人系出名家與公  
齊眉一德長幼卑尊調劑具宐狀稱自宐人來  
嬪公之家道滋殖生息日繁科名仕宦亦駸駸  
向盛是其于公眞稱良偶矣公出身儒家長舉  
進士晚登三事寵命疏榮孫曾繞膝壽考令終



人謂既醉五福總萃於公之一身其得於天者似爲獨厚而不知其平生所遭亦非盡出亨途也當其少也食貧攻苦淹頓場屋及薦賢書已踰壯歲未幾而時際改革寇盜蝟發鼠竊豕突捲地滔天于是太贈公以罵賊歿鄭宐人以全節終公攜嬰負穉竄身南北乃于播蕩之餘益厲堅定之志不骫骳以隨時弗見遷於異物以讀書教子爲能事以積德制行爲真筌險夷一節百折不回卒能父子奮身聯翩上第列戟相

或語

墓碑銘

六

望家門巋然若督學君者則又于國名忠于家稱孝海內人士以之爲職志者非公之德足格天才能燾後身能致此哉公生丈夫子四楨貢生考授從六品果己亥進士江南提學道僉事榮乙丑進士葉太學生女二適進士王文煌貢生單務脊孫男八紹輝丁巳舉人紳燦太學生綸炳諸生縉炤繼燾絃熈綬烜縵燿皆幼孫女八曾孫男七塾壑莖壑空垚堡曾孫女五昏嫁

詳志狀中銘曰

九僊奇秀不減雁宕篤生者誰公寔不讓策我  
驥足筮仕中朝經文緯武旋幹斗杓蕩節星  
輅不辱君命敷典擾民芒寒色正忠信所昭風  
憂郁然廉隅自飭玉粟冰堅惟公之妻如芝三  
秀以節以才揚輝中葺冑播冑穫曰有子姓食  
報詩書綿綿之慶忠貞世濟踐脩厥猷惟  
帝念功綸綍汝疇金管漆書照耀堂斧長夜重  
泉皎如日午松楸鬱鬱亦載國恩捧筆作頌

永奠墓門

或語

墓碑銘

八七

先生居官清慎說得有道理居鄉敦厚說得  
有涇渭搜剔刻劃曲曲傳神良由溯源史漢  
取材八家故能盡情盡致如此木翁純孝表  
歎先德不遺餘力求而得此可以無憾

周雪客

二千言中無一支詞蔓語可謂潔淨緊嚴矣  
而敘事持論又極跌宕頓挫之妙碑版之文

孰與驅駕

周榕客



孟母墓表

里人孟朴持其母曹氏族出節行昏嫁之詳介  
友人請余爲其墓上之文且曰吾母故家連池  
里父諱一宦十七歲歸吾父諱陳舜嫁十四年  
而吾父沒時朴五歲吾姊九歲母年僅三十耳  
運當鼎革所在兵起母攜子女東西奔竄無寧  
日吾母用智自衛卒得保全旋值歲侵族人多  
貧不能室吾母擇一二近屬助之完娶同姓以  
睦又以其餘力及于鄉黨苟有窮急必樂振之

或語

墓表

八

朴稍長卽令從邑士之知名者游故家雖流落  
顛頓而不爲長者所弃吾母之教也迄于今朴  
有三子二女皆克成立使吾父歿者復生生者  
寧有愧乎母年七十有八以終時康熙二十六  
年三月二十一日也是年十月十六日祔于吾  
父之墓言已泣下不能止余嘗讀錢牧齋撰孫  
照鄰墓碑謂世之不忍歿其親者知文章之爲  
重遂致其力于大書淡刻以斬不朽近日汪司  
馬持一時文柄主盟猗中徽人之思不朽其親

者爭乞其殘膏賸馥以爲天球琬琰未及百年  
猷中之文霜降水涸索然無有矣是譏世之知  
以文章榮其親而不得其人雖翳然簡牘究無  
當于信世而傳後者也抑知世固有致身通顯  
名列朝宁聲氣旣已徧海內而人之文章品節  
識力又足以鑑別之乃旣得其人與之連袂接  
席矣惟是歌吟互答無益之篇章動盈几案曾  
不肖出先人遺事求其片言隻字爲之論著平  
生區明風烈又何有于編戶之氓窟鄉之老哉

或語

墓表

允

今朴悲其母節之苦也念已一老布衣旣不能  
爲之致雕軒象服之榮又不能爲之邀烏頭雙  
闕之典故思致力於其所可盡惟托于文字可  
以無窮于是裴回大人之門扶服造請不避艱  
難忘其屈辱庶幾得其一言可以不歎吾親乎  
久之官於斯者皆立棹楔以旌其門里中薦紳  
以及文章之士莫不載筆以紀其行薄陋如余  
亦屬爲文表其隧道屢介友人至于十返而不  
厭使其蔭高華席富厚出其智力遂其心之所



欲得又不知何如已因爲援筆以表之曰是爲  
孟母曹氏之墓以示後世以慰子朴之思焉

敘事簡潔得表墓之體中間帶發議論可以

警世悟俗純乎大家風度矣

王山史

或語

墓表

九

奉直大夫工部屯田司員外郎于公墓誌

并銘

公于氏諱沛霖字弘仁一字陸阿萊州昌邑人  
曾大父諱淇諸生大父諱丕順父諱英諸生以  
子貴贈文林郎安遠縣知縣公八歲從其父就  
外塾卽知讀書能質問出人意外意表十一歲出應  
童子試辭章粲然讀者驚焉旋遭壬午甲申之  
亂流落顛頓不廢其業十六歲補邑弟子員二  
十五舉山左省試丁酉冬文林公奔賓客公執

或語

墓誌銘

九一

喪如禮公除後以久困公車或勸其就逆人公  
毅然曰登第而後服官先人之訓也讀書益力  
庚戌遂捷南宮亦無汰容甲寅秋閣試授中書  
舍人未逾年念其母甚循新例入貲爲部主事  
需次于家以便養亾何母遭虐疾諸醫相顧無  
策公大發方書潛心研討忽得其解一藥而瘳  
人以爲孝感云宗譜久廢公承文林公之志撫  
拾舊聞整齊世次纂輯數年屢易藁而始就又  
恐一人識力不無疑誤攜赴安遠與其弟共訂



之稱一家良史焉。然書成而公病矣。自是家門多故。喪妻喪子。哀酷糾纏。丙寅冬。復罹母夫人之變。附身附棺。咸無遺恨。未嘗以衰病少自假易也。旣免喪。出補工部屯田司主事。以清慎自矢。凡畫之所行事。無公私。皆書諸冊。深夜熟思。必無憾。乃已。其執掌在內府。薪炭舊例。舖戶採辦。價皆預給。積久。弊生。遂多逋欠。緩之則誤國。急之則病商。公委曲經畫。求有力者出貲代辦。薪炭旣集。始償其直。由是供應不廢。而商困以蘇。

墓誌銘

三

孝懿皇后升遐

梓宮祭奠以及陵寢諸務皆

其所有事也。而本司僚佐多奉使他出。供事者惟公一人。出入戴星寢食。不遑者三閱月。冬初。晉其司員外郎。雖經量移。職守如故。屢勉數月。竟以瘁卒。公天性孝友。時祭先期。致齋牲。罷必潔蔬。果有鮮薦。而後食。有楊晟者。公之諸舅也。久隸司馬籍。母夫人時念之。公稱貸贖歸。生養。歿葬焉。再從兄自靖。亦司馬籍中人。旣歿。孤女

未字公贖以百金爲具囊裝擇配嫁之其篤于宗戚類如此生平無他嗜好惟以讀書爲事以故經史淹貫其諸子集亦皆流覽所著有西坡集省愆錄日履志族譜年譜若干卷藏于家公生于崇禎庚午九月十七日申時卒于康熙庚午三月二十二日未時卽以其明年十月二十一日葬于青龍山之原享年六十有一初娶吳氏贈孺人又娶張氏封孺人又娶徐氏待封安人有丈夫子七瓚璠璵班珽皆郡邑庠生璵太

或語

墓誌銘

三

學生瓚業儒女子子三庠生趙元胡瑋貢士姜熺其甥也孫男五始率始述始裕始法始憲孫女六皆幼猶憶甲午之秋公與其弟濰濱同舉于鄉科名譽望遠近歎羨庚戌冬余始識公于濰水上時公已成進士矣是後或晤于里門或晤于京邸論文章及天下事皆不期而合歲丙寅濰濱以安遠令卒公屬余銘其葬至是公又卒于官長子瓚復來問銘于余於處余不敢逆公于生前自不忍負公於沒世然而吮墨舐豪



遲遲不下者數日矣。蓋以余交公之久，其家門榮盛，歷歷在目。曾幾何時，既銘其弟，又銘其兄。此余所爲臨文嗟悼，不能喻之于懷者。豈獨言之不文于公兄弟間，有愧色邪？銘曰：取第壯時，如日卓午。及獲從政，濛汜已距。道悠運促，百弗一吐。天監厥德，遺後人祐。遺祐維何，騏驥接武。我作銘詩，千古如覩。

于公至行可風，而此誌之用筆樸處亦無媿。

古人銘有潑慨足備一朝典故。安靜子

或語

墓誌銘

古

李大椿墓誌

并銘

君姓李氏諱之椿字大椿世家青州之安丘徐州衛經歷諱建中之子處士諱汝明之孫處士諱國欽之曾孫也母劉氏娶周氏皆邑中著姓生子三人仁居仁處仁榮有孫三人女三人適同邑張泌生李惠張秉謙以天啟四年三月七日生以康熙二十九年五月五日卒卽于是年十月十六日葬于城西金龍口先塋之次君幼而聰敏彊毅率性以行稱心而語未嘗緣飾長或語

墓誌銘

九

爲邑庠生好讀書及岐黃家言晚而彌精其術不輕試試之輒效年六十七嬰危疾旣革猶不亂身後一切皆手自條畫纖悉畢具大約以儉樸爲宗誌墓直書世次行履勿爲浮靡之詞亦其遺戒也將葬其子仁居謂余言質而可信與其先人之治命有合故屬銘焉其何敢辭銘曰

世人貢諛及墓中人游光射聲誰識其真李君反是大雅獨存典荆未沫徵于斯文



簡勁淳雅直超唐宋而上  
質而可信自注甚確 安靜子

或語

墓誌銘

矣



賈誼河南通志卷之六  
賈誼河南通志卷之六

李孺人王氏墓誌

并銘

安丘諸生李其曉曉人之妻同里王氏者縣學生諱震茂之子太學生諱臺之孫前禮科給事中諱孟煦之曾孫而孝廉諱涵之子婦處士諱三祝之孫婦西安大同兩郡守諱遷梧之曾孫婦也十五來歸舅孝廉公尚在亟稱其賢姑辛孺人卽委以家事治之甚習修婦道甚謹待族親甚厚及教其子女則甚嚴未嘗縱之使游戲也孺人之卒已二十年其曉屬予銘其墓淚隨

或語

墓誌銘

七

言下不可制予聞之根觸而悲蓋予妻李孺人爲其曉之姊其沒亦且十年隧道有誌而無表今日與予情事適同故能悉其感悼之懷者空莫如予銘何忍辭孺人生四子愼惺愔恂二女適馬庭筌劉紳燦孫男七學廉學勤學儉學篤學厚學謹學醇女四孺人年三十三以順治四年八月二日戌時生以康熙十八年七月七日寅時卒十二月十二日葬所居下坡邨東八珠山之陰銘曰



幽宮闕兮險十霜。墓櫃成拱蔚而蒼。夫子過時  
猶悼亾。是可微彼才且良。斲銘山陞永厥藏。  
詞存簡潔意成淒楚。李渭清

或語

墓誌銘

卷七

亾妻李孺人壙誌

孺人李氏青州安丘人嘉靖己未進士西安大同兩郡守諱遷梧之曾孫處士諱三祝之孫崇禎癸酉舉人諱涵之女壬子選貢翰林院孔目張貞之妻也生於崇禎乙亥六月四日辰時卒於康熙己巳十一月十八日辰時得年五十五以其卒之又明年二月二十八日葬於吾父母墓之西北三步生三男在辛丙寅選貢生娶周氏在戊國子生娶劉氏再娶李氏在乙聘丁氏

或語

壙誌

又

四女長適諸生馬士修次適國子生曹需前卒次字劉亶茂後卒次適諸生曹淑孫男四壯輿敬輿扶輿德輿孫女一字曹曾衍孺人生十有五年而歸於貞不及吾父明經府君之養事吾母孔孺人以孝處吾姊妹以和畜婦子以慈應接嫺郇親疏小大莫不有禮至其相余白首相莊儼如賓友四十年一日也其在吾家爲余嫁兩妹蒙裝辦集不煩吾母治吾母及兩庶母之喪備極易戚尤謹於廟享雖病不廢治家寬而



有法闔門欣欣。自就節度。性閑約不好侈靡。衣食惟取足而已。平生無疾病。晚年疊遭喪變。過傷懷抱。氣血盡耗。值余疽發於項。孺人謂無生理矣。四日不食。在戊次子。偶以痘殤。孺人往哭。應聲而殞。嗚呼。余迂疏。涉世動招尤悔。孺人遇事警戒。匡其不逮者多矣。今孺人在殯已兩易歲。朔身世之痛久而彌深。思欲慰孺人於地下。惟有墓隧之文。迺余善病經年。葬日既迫。猶不能出。而問銘於當世。吾負吾妻矣。姑用陳止齋

或語

壙誌

允

例。先自爲壙誌。命兒子在辛書以刻之。隧中

古潔蒼老輕重詳略無不翦裁合法。今日古

文中第一作手也。且情文相生。讀之真足增

伉儷之重

冒青若

亾次女權厝誌

亾女名振姓張氏杞園老人之第二女實菴先生之第三婦也生于康熙甲辰六月七日辰時予長子長女以下有所生多不育及得女喜甚且冀是後如螽斯之振振因以名焉女生而睂目清湛朗慧絕人其母奇愛不忍付保姆手遂自乳之吾母亦以其婉嫕得意旨攜之同臥起者數年吾母好手自紡績女卽效之七八歲小兒女其程課多寡與吾母常相等年十四吾

或語

權厝誌

一百

母棄養朝夕辟踊如成人十五適國子生曹需祖姑劉太夫人治家嚴而有法獨憐之若女孫然服食器用賚予多先諸婦庚申太夫人沒女哀哭如喪吾母時而毀瘠倍之過時言及猶潸然淚下然女亦自此病矣女性孝友在夫家數日卽一歸寧住必連朝意戀戀不忍去病中尤甚戊辰八月生一女氣血盡耗自是非人扶掖不能成行矣每歸來卽涕泣相向及去其母亦灑淚送之然以女方盛年病亦前此作輟者屢



矣不意其以此竟成長逝也嗚呼痛哉已巳閏三月予自青州歸急往視之病已革二十二日又偕其母往知無生理矣問何言曰惟親我父母者未盡耳又問曰舅姑在堂不得治一日漿饋爲婦無狀以是不能瞑生平止有三女子引與訣亟揮去曰與吾父母語尙恐不足何溷我邪予問有所見否不昏亂否曰無所見亦不昏亂第覺煩燥心如火燒予欲出令其暫息或得清涼女曰病勢已不可爲父去無益不如畱此

或語

權厝誌

百一

尙可圖一刻團圖也不覺哭皆失聲家人料揀璣珥欲爲理妝女頰頰謂予曰父婦何言乃欲以此累兒邪蓋吾邑有以厚葬誨盜發丘者予嘗以此爲戒女習聞之故云二十三日夜半忽汗出不止犁明曾中稍寬家人皆喜予固知其非善狀也二十四日辰刻煩燥倍前兩目且無見延至未向予曰兒行矣予執其手曰汝真舍我去乎女曰心痛不可言願吾父割不忍之愛予許之而後瞑得年二十有六嗚呼痛哉歿之

日姑哭于堂夫哭于寢妯娌各哭于其室奴婢  
相聚哭于庭除嫺戚來弔酌者靡不哀女亦可  
無憾于人世獨念予熒熒世路骨肉之戚僅三  
兒四女時節生辰姊弟相攜笑言盈室卽閒居  
寡歡亦藉此得一開顏裴回四望顧獨不見有  
是人嗟夫予耆艾遞至日就衰索子女縈心都  
爲晚計今乃於其生前之藥裹身後之含斂一  
一煩吾老人也豈不悲哉卒之歲十月庚寅爲  
壙于邑城東北曹氏之先塋權厝焉其權厝也

或語

權厝誌

三

于法不當銘然不可無文以識予哀也故自爲  
誌而俾其兄在辛書諸石

骨肉之感文先淚湧堪與昌黎女挈壙銘子

厚女雅甄記相鼎足

王宥州

如聞鵲泣猿號令人肝腸迸裂予生平有六  
女其一及笄而殤其餘皆出閤後接迹而殂  
今無一存者展讀此文觸着痛處老淚如縷  
縻不能自止矣

安靜子



女蘅埋銘 并序

予妻李孺人爲予舉男子八存其三女子八存其四自念子女雖多夭殤而所存若此亦足慰餘年矣不意予不德招譴已已三月第二女以瘵亾第三女亦病瘵癰以歿其可哀也已女名蘅生頗穎慧而性多鬱鬱自毀齒以迨垂髫開顏之日無幾然孝凌天成一味之甘必割以奉父母次及兄弟姊妹終不一沾脣吻也次女初沒吾妻哭之不勝慟予勸之曰哀宐自節獨不

或語

埋銘

百三

冑畱殘命以伴我遲暮耶吾妻曰今何敢歿儻蘅女再殞恐無生理耳詎意吾妻竟先女以卒邪吾妻以已已十一月歿女病彌甚然未嘗瘵朝夕哭擗時予病疽方宛轉帷蓐間女每從殯所歸卽詣予榻前坐立移晷予憐其支離必促之再四始冑少憩予劖巨痛淡五內崩裂神志荒耗女之食飲湯藥靡不凌雜失次遇益苦病益增庚午四月九日女竟歿距生庚戌六月十二日年二十一女已許字同邑劉生亶茂過期

不嫁可知其病之久也。禮女子十有五而笄，笄不爲殤。予知之而不能以成人之喪治之，則又以吾妻之新喪而予病之方深也。其痛安有窮哉！前此諸殤皆葬城西涼水灣頭，今以五月六日葬吾女于城東，在其母卜兆之東二十步。其母亦于明年二月窆矣，不能相聚于人間，或可相依于地下。邪？銘曰：

後其母以歿兮，先其母以藏。哭妻而又哭女兮，可知予心之傷。

埋銘

高

其慘痛處皆以冷語出之，有無意爲文之妙。

一銘字字半山

李渭清



亾室李孺人行略

康熙己巳仲冬之初余以懷抱抑鬱疽發於項當暝眩瞽亂之際吾妻李孺人無病而殂余既遭虐疾復纏哀酷其瀕于危者數矣幸獲良醫懂而不死蓐處餘二百日始能任杖兒子在辛輩爲其母請狀蓋不忍於其母之沒也卽余以四十年糟糠之婦甘苦憂樂無一不與共之者一旦溘焉長往寧忍聽其泯泯邪因收淚而述其略孺人姓李氏青州安丘人始祖自明初占

或語

行略

夏

籍邑之峯山里族以日盛高祖諱完贈戶部山西司主事曾祖諱遷梧由進士歷官西安大同兩郡守載明史事功傳祖諱三祝不仕父諱涵崇禎癸酉舉人是爲吾外舅養徵先生母辛孺人吾邑之姓固以李爲大然余家自先世以來家世門風有時亦落人口迨明末造先伯父孝廉公叔父侍御公相次厭代先君齒衰子幼思欲聯姻巨室爲兒求婦寔寓託孤微意也又以養徵先生扶義傲儻稱一時偉人故使請昏焉

先生未遽報許。一日過余家。先君畱飲。寶器樓  
余戲于其側。先君呼余揖之。先生一見歡然。曰  
先日議姻。必此子也。真吾壻矣。先君命余拜謝。  
百年之盟。遂定于此。時順治乙酉夏五月也。是  
年冬。先君捐賓客。余財九歲。孤露無依。先生喚  
咻提挈。終濟艱難。一時皆服先君之能知人。而  
先生爲不負所託也。己丑九月。先慈爲余畢姻。  
時先慈及兩庶母在堂。孺人能各順適。其意禮  
無違者。于時家勢中落。門仞蕭然。孺人以十五

或語

行略

真

女子新來爲婦。不見有施置之迹。而萎蕤之氣  
頓蘇。且承事吾母有人。余得搏力問學。諸子女  
亦次第生。自是戶庭又漸有起色矣。孺人來歸  
吾妹在室者。二人孺人與處。油然無間。言其衣  
履縫紉。以身任之。及適人。傾其嫁時橐裝。無少  
靳。庚戌外舅以老壽終。孺人辟踊盡禮。癸丑喪  
母。孺人哭泣悲哀。幾不能以生。及卽窆。安其墟  
墓。去吾家五十里。孺人春秋必一祭。婦每自壟  
上歸。精營消亾聲氣。酸咽非歷旬時。不能復舊。



也。丁巳冬先慈嬰危疾。孺人潔滌灑燂湯藥。晝夜不懈。及遇大故。絞紵衾冒。附身附棺之事。咸無遺恨。過時上冢。追慕顧念。攀柏而號。一如哭其父母。吾母病時。頗有餘險。病且革。奴婢多穿穴其中。或謂孺人宜加料。東孺人曰。豈有斯時。勾稽財物者。比吾母卒。無畱藏矣。孺人竟不忍問。先慈棄世外家。至戚唯存一妹。貧且老。孺人居之別墅。數日必延致舍中。奉以甘滑溫言。慰勞語。及先慈輒相對。潛焉出涕。嘗曰。見三姨如

或語

行略

五

見吾姑也。孺人旣痛吾母之亾。又以先君不逮。養四時薦享。必先期致齋。凡烹飪滌濯。皆出其手。去年十月廿八日。爲先君忌辰。宜祭於寢前。一日送亾女葬。歸孺人已委頓矣。余欲令兒婦攝行其事。孺人曰。余雖病。尙可僂俛。敢以兒女之感。使先人有廢祀乎。中夜以興。執事有恪。餽而後退。不知其力之憊。其于余家姊妹及諸媼。鄙體卹周。至歲時。問遺相屬于道。聞有疾痛。若在已身。斯須不能去懷。孺人固篤戚誼。而疏族

寤親尤所加意亦每以此相勸勉去年遭亾女  
之變有客相過余以胃懷草惡偶闕展待及余  
入孺人曰聞某君至意君必爲授粲卽敕中廚  
鮭菜具矣且某寒士與君有舊今聽之去不虞  
人以爲簡乎兼內交知遇有縞紵之投孺人謂  
當厚其贈答依樣酬之鄰于市道矣至今猶愧  
其言孺人居恆靜默似鄙朴人余外事不能決  
者問一咨之孺人曰君必有見何須謀及婦人  
強之乃曰愚意似應爾爾余用以應世往往得

或語

行略

頁

免尤悔孺人嘗患衄血昏迷恍惚家衆環泣孺  
人謂長女曰吾何畏死汝父言干支家謂其運  
會元辰法當不利我死凡有不祥可一身肩之  
卽不然旣損妻亦足少分其厄汝父無恙門戶  
依然矣吾何畏死其性識明而知道理多此類  
孺人端靖柔淑動有禮法冒晨而盥淡夜而憩  
燕居斂容危坐不少跛倚非甚病亦強自持未  
嘗晝寢子女至前必莊色以待逮下尤有恩意  
卽有所甚怒臧獲不能加以惡語至其與余不



唯終歲門屏不聞諄語細數常日未曾有失言  
失色蓋竟其身交相莊也生平不入祠廟不赴  
燕飲不觀優舞不聽盲女弦歌闕巷尼媪不使  
履闕先君家法嚴整內外肅如孺人一步一趨  
悉遵遺矩無所改自處儉薄從未市一鮮毳自  
奉卽間有之亦推以食人日用唯幽菽脫粟而  
已纖麗之服珍華之飾屏去不御大斂衣襪猶  
是二十年前舊物其生時可知矣孺人義利之  
分甚明有一錢必散之人然不輕取人一錢也

或語

行略

覓

表姊王氏有白金一笏錢若干緡俾孺人藏之  
莫有知者姊以暴疾不及言而殞訃至孺人以  
原物還其家家人相顧愕錯于今頌德不衰孺  
人素彊少疾丁未夏半產幾殆沈迷中余適從  
金陵歸曉夕省視佐以藥餌始差然體氣自是  
寢弱矣乙丑余客都門孺人忽血溢於鼻兩日  
一夜不止余得家問徒倚踟躕終夜不寐晨起  
攬鏡霜雪滿鬢矣余旋趣裝歲莫氏里童穉歡  
迎室家寧晏愁歎爲之稍釋居亾何第二女病

療孺人憂思特甚其腴臍與女病之作輟常相  
應丁卯五月長孫女死九月次兒婦死孺人悲  
不自勝復以女病驚心疋羸益甚已巳春女病  
告劇延至閏月竟卒孺人遂不支矣余每見其  
傷悼謂之曰我兩人幸有三兒四女死者已矣  
儻不亟爲轉移是一子不忍舍乃忍舍六子邪  
所以尉解之者百方孺人終不能聽十月下旬  
亾女既窆孺人病已在膏之上冬中會余病創  
孺人見其沈篤謂無生理矣絕食飲者四日值  
或語

行略

車

在戊次子痘殤孺人方臥聞變驚起奔哭卽殞  
在戊之室嗚呼孺人之死久在余意中然不知  
其死之如是其速而且終爲余死也嗚呼痛哉  
戊申地震余夫婦竝繫重樓之下經夜始甦孺  
人嘗戲謂余更生固佳但身無所苦奄隨物化  
似此死法殊令人戀戀耳今孺人失聲一慟形  
神遽離較之被壓奚翅霄壤是真足稱令終矣  
縱孺人可含笑于九京亦何解于生者之悲邪  
其最酷者余與孺人相去數武生不與訣沒不



與斂。剝鉅痛。澁而氣息惓惓。且不得噉然一哭也。匪木人石心。亦誰能遣此哉。嗚呼。人孰無婦他人之夫婦。夫婦也。余與孺人夫婦也。而朋友矣。余棲遲連蹇。晚無徒世路悠悠。誰可告語。每酬應少暇。與孺人對坐。續夢堂苦茗一椀。清譚數刻。便了一日。余閒居寡歡。而未嘗見戚戚之色者。以有孺人也。孺人雖不讀書。然文心獨至。余得舊錦欲製琴囊。而無所考法。孺人以意爲之後。有所見一一脗合。人以爲異。余嘗輯古

或語

行略

五

今印章數十百枚。孺人親加裁剪粘之。素冊部居粲然。遂足佳觀。余於世澹然無所好。獨以書自娛。每得善本。多手自裝褙。更倩孺人緝以箴縷。以當韋編。孺人亦樂此不疲。今存者尙數百卷。皆其餘迹也。嗚呼。余鄉者安孺人德。不謂才也。乃孺人之沒。甫六月。入門而機杼在壁。刀尺無聲矣。入室而櫬柶不整。枕簟不斂矣。醴醢羹羹。調糝失和矣。醯醬米鹽用度無節矣。童婢衣舖給。予不時矣。余有疑謀莫決。所嚮余有疏節。

莫與相規矣。撫今而追昔，能無腹悲已乎。嗚呼！  
余以散材，謾落塵囿，回首終歲，茶然疲役，不勝  
其勞。嘗語孺人，四三年後，昏嫁麤畢，一切世緣，  
盡付兒輩。吾家別業在淳于舊城，有地可耕，當  
與子偕隱，其閒修采藥鹿門之樂，而今已矣。嗚  
呼！夫耕婦馱，本非覬望，非常孰知風波之民，天  
不假易，卽田家恆事，亦稱難疇之大願也哉。嗚  
呼！余運丁陽九，死喪頻仍，前此者毋論矣。自去  
年閏春，迄今首夏，僅周歲耳。一哭妻，兩哭女，兩

或語

行略

墓

哭孫，兩哭女，孫其閒與孺人同哭者三。雖境遇  
不堪，猶賴孺人更相慰藉。孺人既歿，余邈焉寡  
儔，窮民無告，哭女之淚移而哭妻，哭孫之淚又  
移而哭女，兼之病骨支牀，氣血中禱，無涕可揮，  
有聲皆啞，揆之恆情人，理適盡。黎洲子所謂如  
長亭旅憩，先後散去，唯我獨畱，亦復何堪者。于  
余見之矣。孺人旣歿之百日，王甥元雅夢入南  
山峯巖，挺拔林壑，幽麗其行，逾遠來路，轉迷忽  
見雲房，屹起空翠，中文杏裁，梁香茆結，字花藥



分列北向開門非復人閒世矣俄有女童出而  
肅客飲以玉液啗以珍果孺人著青綾衣自東  
房出設榻西北牖開南嚮孺人居焉元雅起居  
畢孺人命坐謂之曰我前身僊子也今返舊居  
屏去儀服與子相見懼爲子所不識耳少選遣  
人導之南去則闐闐也覓路而歸元雅之言如  
此余亦未敢遽信爲然然以孺人之孝友順祥  
淡于財欲與世之穢濁塵凡大相區絕矣卽謂  
爲眞靈位業中人亦理之不可誣者故附書之

或語

行略

五三

孺人生于崇禎乙亥六月四日辰時卒于康熙  
己巳十一月十八日卯時得年五十五以其卒  
之又明年二月廿八日葬於城東五里河吾父  
母墓之西北三步孺人志也子三人長在辛丙  
寅拔貢生娶周氏同邑甲午拔貢生周公濟生  
女次在戊例監生娶劉氏同邑庚子武進士劉  
公正誼女暨娶李氏同邑庠生李公中允女次  
在乙卯丁氏諸城州同知丁公慎行女女四人  
長適同邑庠生馬公上瑞男庠生士修次適同

邑甲辰進士徽州府同知曹公貞吉男太學生  
蒲先孺人八月卒次字同邑撫標中營遊擊劉  
公正學男亶茂後孺人五月卒次適同邑乙未  
進士巡撫貴州工部右侍郎兼都察院右副都  
御史曹公申吉男庠生淑孫在辛出者三敬輿  
扶輿德輿俱幼未聘在戊出者一壯輿聘劉氏  
同邑丁卯舉人劉公儼女孫女四人俱在辛出  
長字同邑庠生王公工亮男任先孺人二年卒  
次字同邑陰生候選七品京官曹公灃男曾衍  
或語  
行略  
墓

人兩月殤

次未字次字同邑庠生曹公煌吉男鼎善後孺  
人兩月殤  
髯蘇踏蹬仕途支離同調於魯直少游補之  
師道外號知心者惟一王弗夫人故夫人歿  
手自志墓曰凡有所忘夫人輒能記之有所  
爲夫人輒能戒之又曰言多可聽類有識者  
是不惟夫人知公公亦淡知夫人閨房良友  
千古無多今讀杞園先生李孺人行略至他  
人之夫婦夫婦也予與孺人夫婦而朋友與



棲遲連蹇晚晚無徒世路悠悠誰可告語一  
段不惟想見孺人淑慧且可想見王弗夫人  
生平文情悱惻如話如畫堪與髯蘇之文並  
傳不朽 王安節

或語

行略

頁五

劉止一畫像贊

英姿颯爽叱嗟風雲壯懷鬱屈輪囷嶙峋可繪者衣冠劍佩其不可繪者非龍性之難馴也邪馬拙脩象贊

酒一壺琴一張煙巒雲壑且相羊心向有所汲汲惟大道之未明日誦遺書兮聲琅琅

曹湘鄰象贊

名父之子克家斯賢勉旃自愛勿負華年

看雲杖藜圖自贊

或語

贊

頁六

雕蟲誤我半百已過悠悠忽忽稱意謂何看雲自怡杖藜行歌天教彊健以補蹉跎

穩老不鏤刻而工

李渭清

馮鼎齋象贊

春示振險厠其不何餘昔共諸君之雅興也  
大姿風爽也製風雲其對遊風鎮因海潮  
樓上一畫象贊



洮研銘

有獲佳石不知珍惜輕投俗子者余亟購得銘而藏之

彼結綠出洮裔攷厥德栗而溫其遇墨以善凝如翡翠之屑金余拙于書而能寶或猶愈于莫別妍陋而信其沉泯者邪

方竹杖銘

而節徑直而質天蟾易圍爲觚造物之巧任道路之詰曲賴楮挂以勿倒

或語

銘

享

几銘

老樹一段風雨侵剝蘚綠蝸黃形色如石欲爲器用則不堪斧斲欲付爨下亦且無燄矣戲命工人截以爲几而作銘

曰

曠哉明允興寄假山樂天蟠木有取堅頑念此朽株雖乏棟梁之用尙可寘彼茗椀度我經函其亦善處夫材與不材之閒者乎

諸銘文從字順卻古色陸離世有強爲佶屈

聲牙文其薄陋者讀之可以自廢

錢十青

或語



互



談虎

吾邑故無虎。志稱明初有虎出馬氏墓林。令某多苛政，率衆往捕之。虎躍出，撲殺令一人而去。康熙甲寅，忽有虎入縣境，每夜出游邨落間，或臥牛宮，豚柵人不知其爲虎也。折梃逐之，卽弭耳去。亾何清晝止，汝陽周氏園遠近，婦子偪而觀之。虎攫一人，寘屍下，少閒虎去，人竟無恙。或曰：昔稱古人不相及，豈至于物而反之邪？何昔虎暴而今虎仁，邪？余曰：不然。昔之虎不輕出，或語

雜著

頁九

出卽爲人除一醜吏。今虎優優而來，靡靡而去，供人鞭箠，無異羊豕。所謂猛虎之猶與不如蜂蠆之致螫也。然後知古今不相及，不獨在人於物，尤甚矣。

范文穆嘗榜其軒曰說虎。虎故多怪異，談之足以送日華。夸續攷謂山左無虎，是篇疊記安丘虎事，迺知書卷亦未可信。第虎至癡頑，無識任人鞭策，不異羊豕，何其本性盡失，邪此非仁也。蓋一極麻木不仁者耳。然在先生

筆端寔具有虎乙在

王安節

或語

雜著

頁三



筆端寔具有虎乙在

王安節



書延陵寶墨後

右書一卷於陵吳旋公先生手蹟也先生賦性剛毅博學能文章爲諸生祭酒者四十餘年數奇不偶屢躋場屋天啓辛酉應山左試主司激賞其文僂得之而更易置時有爲先生謀入閣幙以冀科名者先生叱去之晚經變亂竟不屈以終令子舜玉所謂昔者吾友也謝內丘事歸已病不能言矣手書屬其子木欣曰桑海以來兵燹驟突吾家藏籍皆蕩爲煨燼惟遺墨數紙

或語

題跋

真

先人靈爽寔所憑依不與劫灰俱泯予兢兢奉持罔敢失墜今以畀汝汝其寶之且願我子孫世寶之也擲筆隕滄木欣再拜受命手自裝池襲以異錦貯之篋笥出入必以自隨遇賢士大夫輒乞題跋以紀其事蓋迺父所未嘗命者于未嘗命者如此則其所命者可知矣吾意木欣必能世守此冊不啻大訓陳周寶玉在魯爲閭閻之家增一箕裘盛事吾友不瞑目九京乎

周雪客秋雨懷人詩跋

周子雪客遠宦晉陽歷八年以內艱歸向日朋  
舊多就凋落雪客撫今追昔不勝存沒之痛懷  
想所極各成一律纏綿情至淒其欲絕使人讀  
之慨歎流涕卷中諸君半爲余縞紵交今擔簦  
南來或哭其殯宮或拜其墳墓所以興懷其致  
一也乃不能出一語以弔之然則人才分之相  
越其可以道里計哉康熙癸酉秋分日安丘張  
貞書于白下之厚書行菴

書淳化殘帖後

或語

題跋

五

顧汝齋所樞淳化閣帖在法書中聲最琅琅余  
平生僅一見于長安市幾得而復失爲之惋悵  
累日十年後始購一本於青州然小磨泐不無  
遺憾甲戌立春日有以殘帖來售者則顧刻第  
九第十兩卷于閣帖爲斲珪于大令爲完璧矣  
且諦其紙墨的是初搨鉤磔波撇不失纖豪勝  
舊藏遠甚因命兒子在乙亟收之世人學書每  
苦無所師承今典刑旣獲苟能殫精臨摹何患  
書法不進邪杞園老人識



書應夢舉子記後

關夫子千古義烈國祚徼靈蒼生禔福有幽必  
燭無遠弗屆矣吾友王子安節有記示朱公喬  
三生子一事爲事之尤奇者貞讀而歎之曰夫  
子。淡。于。春。秋。者。也。春。秋。之。法。爲。褒。貶。爲。予。奪。夫  
子。用。之。以。爲。人。豈。其。爲。神。而。異。之。況。在。朱。公。又  
一。世。之。賢。者。也。事。其。母。夫。人。備。志。物。之。養。以。仲  
父。無。子。出。爲。其。後。事。其。所。後。叔。母。一。如。其。母。鄉  
里。稱。之。家。之。孝。子。也。及。成。進。主。作。郡。江。寧。爬。搔

或語

題跋

夏

病苦洒濯冰雪者老子弟。凌戴頌揚國之忠臣  
也。爲忠爲孝。是夫子所日望于天下者。風義感  
盪。無閒神人自見。褒予無怪其無子而使之有  
子。有子而預告以時日。若親見天子之警欵而  
誣諉也。安節爲文。淡得史家法。叙次情事。歷歷  
凌獵于紙墨之間。使覽者色飛骨驚。不勝心折  
故泚筆而識其後。康熙丙寅上巳日安丘張貞  
杞園敬題

先伯父手鈔蘇文跋

右先伯父孝廉公楷書蘇端明碑文尺牘一卷計三百十三篇伯父平生酷嗜蘇文手鈔至數十冊此其一也每數篇後覺筆法輒進一格想見前人爲學皆求日新後生作字可草率從事邪康熙壬申孟陬四日從子貞謹書

書隋刻勝福寺舍利塔下銘後

漢魏以來碑版得有于吾青者惟高齊武平中所刻大佛寺碑及隋勝福寺塔下銘耳大佛寺在北門外人所易見塔下銘棄置荒山且爲金石集古諸錄所不載故鮮知者己巳重九余游

或語

題跋

嘉

城南廣福寺始見之爲孟弼書字極怪偉隸與篆皆不得而各信所謂八分也文雖用浮屠家言然頗古雅遂搨一本藏之塔爲文帝敕建銘內于祝釐武元皇帝元明皇后之後卽及皇太子等欲其永離苦空同升妙果因攷此銘刻于仁壽元年而易儲在開皇二十年所稱皇太子者卽煬帝廣也文帝佞佛之愚不足道第其父之所以愛之者如此曾不三年而文帝已血濺



御屏矣。父子之間，令人深慨。康熙壬申正月上  
日，厚書菴識。

題周元龍臨晉唐名人帖

六書之學，其不講于天下也久矣。余游白下，見  
能作古隸者，惟鄭君谷口。深得漢人家法，而以  
行楷擅名者，則有元龍周子焉。辛未冬，余叩門  
相訪于其案上，見所臨法書數冊，鉤摹鍾王，皆  
得要領。至虞褚顏柳，亦曲曲肖縱，意流覽如  
入羣玉之府，驚歎不能自己。元龍讀書好古，澹  
或語

題跋

臺

然無營。惟日夕坐臥一小樓，焚香埽地，取前人  
墨蹟，搜剔鉤勒，餘二十年不懈。與承師之登樓  
學書四十年，松雪之學書十年，不下樓者，何異  
無怪其筆底蒼秀，欲與古人爭席也。昔右軍年  
五十而書始成，今元龍去五十尚遠，而所造已  
如斯，吾安能量其所至哉。敬書此以爲後日驗。

題王清遠所藏唐韓幹畫馬

韓幹去今千餘載，其畫存者最少。清遠得而有  
之，幸矣。又來自其外祖梁鄒張忠定公家，宅相

箕。裘。書。畫。源。委。傳。之。有。緒。尤。可。寶。也。

字少理足數句小文字御抵人千百句大文字處處有致正是處處有法也

黃交三

或語

題跋

真





